

JOANNI QUINTO

POTENTISSIMO LUSITANIAE REGI 18 13

CARMEN DE SOLEMNI POMPA

Ejusdem gloriosissimo Nomini instituta
Ab Eminentiss. & Reverendis. Domino


NUNNO DE CUNHA

S. R. E. Cardinali Amplissimo.

AUCTORE
ANTONIO FRANCISCO FELICI ROMANO

Inter Arcades

SEMIROACIDONIO
eorumque Collegij XIIViro.




Excudebat Romæ Ioannes Franciscus Buagni MDCCXXII.

Præsidum Permissu.

Admonitio ad Lectorem,

C Armen de Solemni Pompa, inclyto Lusitaniae
Regis Nomini ab Eminentiss. Cardinali
NUNNO de Cañha instituta, festinanter con-
scriptum, eiusdemque amplissimi Cardinalis iussu,
Auctore etiam atque etiam obnitente, editum, ha-
bes, amice Lector. Siquid desiderio tuo, tuaque
expectationi minus accommodum offenderis, aequi,
bonique consule: Nullam etenim ex hoc laudem Auctor
aucupatur, cui tota laus erit, benignissimi erga se
Principis voluntati obtemperasse. Vale.



CAR-



CARMEN



Uæ nova Romuleis miracula Collibus? Æther
 Quo resonat plausu? quæ publica gaudia? Nomen
 Dum celebrat, REX magne, tuum, argumentaque NUNNUS
 Sinceræ fidei, votivæque pignora libat.
 Ille etenim centum Proavis illustribus ortus,
 Lusitadum decus ingens, Purpureiq; Senatus
 Summus honos, sacræ tutelaq; Relligionis,
 Innumeras dispergit opes, curasque fatigat
 Artificum, Vatumque, & nomina magna Choraulas,

A 2

Au-

Augusto REGI meritos ut gratus honores
Instituatur, festas & digeratur ordine pompas.

Est Via, quæ mediam dirimit longissima Romam,
Cardine ab Arctōo adversum porrecta sub Austrum,
Annua quā personatus ciet Orgia Bacchus,
Hippodromumque fugax terit ungula Quadrupedantis.
Celsa Domus NUNNI sedet hīc; anaglyptica fronte
Ornamenta nitent: intus Conclavia multo
Collucent auro; Tabularum culta supellex,
Et quotquot raris variata Aulæ figuris
Belgica finxit acus, pendent de pariete summo,
Hospitis indicium generosi. panditur ingens
Aula; Tholi in speciem vertit sinuata Lacunar
Purpura; sublimes hinc, atque hinc Purpura muros
Vestibat, tænijs intercurrentibus aureis.
Multa Tholo suspensa Faces chrySTALLINA Lampas
Accendit; Facibus paries micat omnis, & ardet
Nox mentita diem; scutulata reverberat ignes.
ChrySTALLUS; Speculis Lux alternantibus orta
Vincitur, & vincit, ludente per aera flammā.
In medio surgit Tentoria subter Imago.
Hīc Rex magnanimus, pace inclytus, inclytus armis
Spirat in effigie, quam plurima gemma coronat.
Sed jam tempus adest; subito cum fervere visi
Aufonij Proceres; concurritur undique: primum
Conspicuos Ostro Patres, gravitate verendos,
Excepit NUNNUS; paribusq; sedilibus omnes

Ma-

Matronæ, Latæque Nurus in divite peplo
 Adstabant: Tyriæ Vestes, & candida Byssus
 Monstrantur; multis per lactea colla, per armos
 Flammea descendunt; pretiosa Monilia Gemmis;
 Armillæ gemmis, geminisque renidet Inauris.
 Mox et punicea decorat quos Cyclade Princeps,
 Dicere jura reis, & verba forensia jussos,
 Romanosque Equites, magnam longo ordine Turbam
 Cernere erat latè; reprimat vix massa catenarum,
 Et custoditæ cataphracto milite portæ
 Undantem foribus populum; plena Atria; pleni
 Sclarumque gradus; numero Domus ampla fatiscit.
 Signo jamque dato per musica pegmata, centum
 Ad Cytharas properare manus; fidibusque canoris;
 Atque gravi Lituo sonitum quoque Tibia miscet.
 Dulce melos bibitur. modulis vox terna paratis
 Solvitur. Aula fileat, pendetque canentis ab ore.
 Nympha Tagi Phyllis teneros suspirat amores
 Tyrsidis; ingratum Tyrsin deserta vocabat.
 Chloris adest, Chloris Nympham miserata dolentem est.
 Hujus ope, & lacrymis permotus Phyllidis, alto
 Pectore duritiem sensim excutit, & placidum ignem
 Rursus alit Tyrsis, veteresque instaurat amores.
 Mox Lusitani, concordia fœdere, REGIS
 Alternis laudes modulantur, grandia gesta
 Commemorant, cantuque vocant Dominumq; Parentemq;
 At postquam longum sonuit concentibus Aula,

Par-

Parva mora est, Epulum NUNNUS quā grande paravit,
Itur: dispositæ patuerunt ordine Mensæ.

Quis numerum Escarum, referat quis nomina? namque
Haud tantum lactis quos pulte domestica dudum

Cors aluit pullos; tercentum lancibus offert

Quæsitæ sylvis, quæsitæ æquoris unda

Externas Volucres. Atagen, Miliaria, Perdix;

Et quæ novit Avis peregrinam Phasidis oram,

Orbibus apposita est. Quis Poma recentia dicat,

Indolis et variæ quis conditanea Poma?

Alcinoi Autumnus quibus invidet. Amphora multo

Circumlata mero est. Spumant Crateribus aureis

Cæcuba; quæque tuus, felix Burgundia, palmes,

Palmes quæque tuus stillat, nemorosa Zacynthos.

Mensarum medium, simul et latera omnia celsæ

Ornant Pyramides; sunt hîc Bellaria, sunt hîc

Plurima Sacchareo condita Tragemata melle.

Principio ingressi Proceres, & Honestior Ordo,

Non servire gulæ; solo gaudere paratu,

Aspectuque ipso cupiunt; data munera libant

Gratantes, fruiturq: datis sic splendidus Hospes.

Sed mox cum verso referantur cardine valvæ,

Quā data porta, ruit populus; tunc agmine facto

Instat nota Cohors, Procerum quæ cursitat Ædes,

Et solita est differre famem, jejunia longa

Ut redimat rapto quæsitæ turpiter Escis

More Arabum; Disco interdum luctatur in uno,

Cru-

Crustula; Pastillosque inhians dum captat; anhelis
 Unguibus at nimium compressa solutilis esca
 Frangitur, & dulci vanescit pulvere præda.
 Nunc tamen ut magno mirantur Edulia acervo
 Crescere, multiplicesque Dapes, manus utraque lances
 Diripit; impatiensque moræ sedissima Ventris
 Ingluvies, non maxillis, non dentibus usum
 Permittit; solidos artus, atque integra frustra
 Ore vorant, & jure vides rorantia menta,
 Rorantesque genas. Stomachi jam pondere obesi
 Cedere visa gula est. Sed Turba famelica, quamvis
 Lassa cibus, non est satiata, famique futuræ
 Consulit; hic pileo condit, conditque crumenis
 Illæ supervacuas epulas: sudaria multi
 Scriblitis onerant, assisque volucris: omnes
 Abscedunt hilares, et Xenia sordida portant.
 Quodque magis stupeas, inhonesta, expersque pudoris
 Improbæ Gens, coram tot Spectatoribus, audax
 Urget opus; quin ridentes interrita ridet.
 Sic modo consumptis dapibus, mensisque remotis,
 Lusibus indulget, Lusoriaque arma capeffit
 Omnis Nobilium cætus; Matronaque princeps
 Invitat, geminis & collusoribus usa
 Ludum agit, Hispano retulit qui nomine nomen.
 Parte alia multos Latrunculus urget eburnus.
 At reliqui, quibus Alveolus, quibus Alea damno est,
 Lege cient saltus, juvat exercere Choreas,

Du-

Ducere & ad numeros alterna volumina crurum:
 Omnibus hæc mens est tranquilla per otia tempus
 Fallere; sic totam consumunt ludicra noctem;
 Felicem Noctem, quam nullo aboleverit ætas
 Tempore, dum magni signata est Nomine REGIS:
 Ah redeas numerosa, precor, Pyliamque Senectam
 Et REGI, NUNNOQUE feras, longumque per ævum
 Alter honore pari celebret, celebretur & Alter.

